



廖張曠 女士

閩南語 · 短篇小說 · 教師組

第三名

得獎作品

天頂的虹

得獎感言

感謝評審老師，感謝阮厝裡的人，特別是阮翁，佇我無暝無日咧寫文章的時，毋但鼓勵我，閣替我攢飯菜。會寫出〈天頂的虹〉這篇臺文小說，上愛感謝的是出現佇我的性命中，陪伴我16冬的寶貝狗仔，若無伊，我的寶貝查某团 Grace，就無這篇文章。

天頂的虹是咧講愛恰失去的故事，面對離別、面對失去所愛是足痛苦的，寫這篇小說的時，我定定跋落思念海，uân-nā 寫 uân-nā 哭，故事寫 suah，逐擺讀，目屎全款 tsih-tsai 袂牢閣 liàn 落來。這個性命故事感動我，嘛希望會當感動讀者，引恁咱思考濟濟性命的議題。

天頂的虹

天 tsiah 拍厝仔光，文美就精神矣，目睷金金，倒佇眠床頂，想 beh 閣暎一下嘛暎袂去。這號情形已經有一段時間矣，文美嘛毋知 beh 按怎 tsiah 好。khah 早，文美定定身軀 the 落，頭一 bak 著枕頭，真緊就隨暎去。兩翁仔某雖然常在咧喝忝、哀暎眠無夠，毋過經過一暎 onn-onn 暎，翻轉工就閣若一尾活龍咧。一般來講，早起七點文美就會家己自動精神，攢早頓、準備上班，開始都市生活無閒的一工。

七點伊若無起床，阿虹就會恬恬來到眠床邊，倚佇遐搖尾溜，文美目睷擘金，看著阿虹兩蕊目睷滑溜溜、喙仔笑 kah lih-sai-sai，伸手 kā 阿虹惜惜咧。阿虹看文美起床，就斡頭走轉去伊的位坐好好，等文美 kā 麪囷入去烘麪機、豆奶囷佇桌頂，阿虹就開始佇身軀邊綴 tsiünn 綴落，「你這個貪食的囷仔，有夠 iau-sâi。」文美按呢 kā phì-siünn，阿虹全款笑笑綴佇尻川後。

恰阿虹做伙生活愈久，in 愈感覺阿虹實在足巧的。早起時，阿虹來叫文美起床，文美 tshím 頭仔無想 siunn 濟。尾仔，發現上班日早起七點，文美若無起來，阿虹就會來眠床頭搖尾溜。有一擺，可能等 khah 久，阿虹閣用鼻頭 kā 文美 thuh 手，叫伊 thing-hó 起來矣。啊若挂著歇暎日，阿虹就袂像亂鐘仔準時 tân，會予文美暎 khah 飽咧。

「你 thái 遐厲害？你的頭殼內有時鐘 hioh？閣遐爾貼心。」文美 kā 阿虹呵佬。

「免看時鐘就知影時間，閣知影咱有歇暎無，袂輸有內建曆日仔。」文美 kā 翁婿明輝講阿虹的本等。

「咱厝壁頂嘛無掛時鐘恰曆日仔通好予看。」明輝聽了按呢講笑，感覺動物正港不可思議。

去上班 tsin 前，明輝會恁阿虹去外口放屎尿兼散步，繼落阿虹就家己佇厝裡，等文美恰明輝下班。

文美會先轉來，鎖匙猶未拍開門，就聽著阿虹歡喜 kah tshiak-tshiak-tiô 的聲，阿虹暢 kah 前跔跳懸，kán-ná 騎孤輪，門一開，看著文美，身軀隨 pà 過來，尾溜一直幌，袂輸規百冬無見面按呢遐爾激動，文美會當感受著伊歡迎的熱情，文美驚伊有歲矣，跔袂堪得按呢跳，會緊 kah 安搭。

「我知，好矣，好矣，阿虹乖，莫閣跳矣。」文美講煞，kā 阿虹攬咧惜惜，伊 tsiah 恬靜落來。按呢的歡迎儀式，只要文美抑明輝出去閣轉來，阿虹就搬演一擺。一直到 kah 無法度跳，換估行的沓沓仔 khòk 去門喙迎接，尾仔老 kah 行袂去、peh 袂起來，阿虹就算用目神佻一葩尾溜大力掙，嘛 beh 表達伊迎接的熱情。

文美佇一間私人公司上班，uì 助理到組長，以伊的能力面對 khang-khuè，無啥問題，予伊頭疼的是人佻人鬥陣的鏗鏘角角，伊無愛佻人 puânn-nuá，佇職場無朋友，袂輸孤鳥插入群，定定感覺孤單。同事間的紛擾，伊會閃就閃，一寡有的無的佻無人做的 khang-khuè，若討論抑是投票決定，尾仔定定嘛揀去伊遐。Siáng 叫伊無朋友鬥講話贊聲，佇這個有關係就啥物攏無關係的年代，伊 kám 毋知有交情是佻要緊的代誌？伊知，伊 nái 毋知，只是伊認為人若 phing 天良做人、做事，盡量公平、公正就好矣，伊向望單純快樂過日子，伊想無是按怎人 beh 遐爾複雜、處處用心計較？伊看袂慣勢無公平的代誌，嘛無想 beh 去投頂司，hông 當做肉砧、抑是 jiàu 耙仔報復，吞會落去的委屈，伊吞，總是感覺心悶。

逐擺文美若下班，看著阿虹歡喜 kah，伊的心情嘛綴咧輕鬆起來。操煩代攏無去矣，恁阿虹去散步，佻阿虹鬥陣耍，予文美感覺自在快樂，「人若像動物伴遐純真，毋知佻好。」文美毋但一擺按呢想。阿虹予文美的安慰不止仔大。

文美 30 歲結婚，彼陣明輝猶閣是外交部門的菜鳥仔，kang-khuè 無閒 tshih-tshih，加班是真四常的代誌，因為工作認真、英語閣好，三冬後明輝 hông 派去澳洲駐臺辦事處，頭家變成澳洲大使，khang-khuè 作息 tsiah 穩定落來。結婚三冬，文美的腹肚無消無息，厝裡序大開始關心。

拄開始是明輝的 khang-khuè 壓力大，閣愛照顧有歲的老爸、老母，雖然講伊毋是孤囡，毋過 in 大兄予洪海公司派去中國做總經理，一冬轉來都無三擺，比做兵 khah 害，十外冬來，老爸、老母的辛苦病疼攏明輝咧承擔，行病院 ná 咧行灶竈，實在無精神佻氣力去想生囡、飼囡的代誌，明輝 kā 爸仔、母仔 pué-huē，講大兄已經有後生，有人替厝裡傳香火就好矣。

文美雖然足佻意囡仔，聽明輝講無想 beh 生囡，天真的伊心內想講世間無依無倚的孤兒遐爾濟，kám 一定愛家己生？領養的 kám 無好？等 kah 文美想 beh 做媽媽，明輝無贊成領養，講彼定會有一寡歹收煞的問題。Tann，家己生已經袂赴市矣，準講生有，文美嘛會變做超高齡產婦，風險加真大。伊知影家己身體袂堪得。

有一段時間，文美定定佇夢中看著觀音菩薩抱一个足古錐的囡仔來，囡仔對伊笑 kah 咯咯叫，佇咧叫媽媽，一聲閣一聲，文美精神，袂輸閣有聽著夢中囡仔叫伊媽媽。伊知影彼个囡仔，是家己的查某囡，無勇氣予出世的查某囡。文美的遺憾恰失落，干焦家己知。

佳哉，明輝對伊愈來愈體貼，kā 安慰講少年夫妻老來伴，翁仔某全心，好好仔牽手做伙行透尾 khah 要緊。毋知頭毋知尾的人，閣呵佬 in 綴著時代咧恰人做「頂客族」（tíng-kheh-tsòk）。

有一工下班轉來，文美予公司一寡烏魯木齊的代誌舞 kah 足槽心，行到土城捷運站外面的金城公園，佇斡角仔遐坐落來。伊佇遐看天頂的雲綴風吹，風溫柔替伊 kā 目墘的珠淚拭焦，鬱悶坐佇雲頂飛走矣。Beh 離開的時，伊看著矮牆仔 iap-thiap 的樹仔跋，一隻瘦卑巴的流浪狗覆佇遐，身軀一大 tah 毛落了了，皮膚臭爛看現現，毛焦 lian ná 稻草，伊看起來足可憐，文美 kā 佇 7-11 買來的 sán-tóo-it-tsih 擘予伊食，伊連鼻芳一下嘛無，水嘛無 beh 啣，文美毋知 beh 按怎 tsiah 好，伊 kā 文美 gán 一下就閣覆落去矣，絕望、無神的一 gán 化做一支利劍劍的刀，liô 過文美的心肝，文美無法度走閃，行袂開跋。只好揣人鬥相共，kā 彼隻狗仔送去動物病院。

看起來 sí-giān-giān 的大隻老狗，體重賸無 10 公斤，窮實無 kah 一歲，身軀掃無晶片。醫生檢查了後，講伊貧血、營養不良、肝硬化、皮膚病，無定著救會轉來，若 beh 治療愛注射閣蹠院，一工干焦蹠院費用就愛 900 箍。醫生叫文美好好仔考慮。這隻白色的狗仔來人世間都無一冬，到底食佹濟苦，文美毋敢想。伊看著一个當咧受苦的靈魂，無法度見死不救，伊連考慮都無，隨請醫生盡力醫治。

經過十工的治療，總算會當出院矣，明輝恰文美去接伊出院。文美 in 翁仔某並無特別恰意狗，嘛無想過 beh 飼狗。In 暫時先 kā 羔轉來厝裡休養，tsiah uân-nā 替伊揣一个厝。

彼隻狗沓沓仔恢復元氣，明輝恰文美猶原問無人 beh 飼，明輝建議送去流浪動物收容所，無就是送轉去本底發現伊的所在。「日時伊家己佇厝，也無亂吠吵著厝邊，若無揣著人照顧，我絕對無同意送伊走。」文美按呢堅持，講啥嘛毋肯。「小公寓飼大隻狗，空間有夠無是在人想的。」經過幾禮拜生活鬥陣，文美對伊沓沓仔有感情，就恰明輝參詳予伊成做厝裡的成員。

文美 kā 號名叫阿虹，風雨若過，日頭閣探頭，定定會出虹。天頂七彩彎 kiong 嬌嬌的虹，毋但 siânn 人目，閣會予人得著安慰。文美逐擺看著虹，攏真歡喜，伊希望阿虹所擔著的災難，像一場風雨結束，日頭笑微微，出虹佇天邊，從此歲月嬌 kah 像天頂的虹。

現代有真濟新潮的少年家，無想 beh 結婚佻生囝，kā 飼的狗仔、貓仔遮的動物伴，當做家己的囝仔晟，惜命命。文美 in 翁仔某從來毋捌按呢按算，毋過，乖閣巧的阿虹，久來自然變成厝裡的寶貝查某囝。阿虹的出現，拄好彌補文美心內無囝仔的遺憾。平常上班時仔，逐工早暗陪阿虹散步，歇暎日就恁阿虹做伙去滿四界坦坦。uì 臺灣頭到臺灣尾，山頂、海邊，規粒島嶼攏有 in 三人的跣跡。

時間袂輸生翼全款，十六冬平凡閣幸福的日常，目一下 nih 就過去矣，有阿虹的歲月是遐爾糖甘蜜甜。自從阿虹離開了後，文美感覺家己的心破一个空。逐工下班轉來厝裡，門拍開，看無阿虹的影跡，歡迎儀式佻熱情睹空中幻影，文美艱苦 kah 大聲吼出來。忝 kah the 佇客廳的膨椅頂，阿虹嘛已經袂 tsham 以早全款來 kā 伊 thuh 手，叫伊振奮緊去攢暗頓矣。厝裡滿四界攏有阿虹的痕跡，beh 按怎 kā 放袂記？文美對阿虹的思念，不管時會 uì 心底潰出來，目籬就澹去，溢 kah 厝裡做大水。

歇暎日，明輝恁文美去宜蘭頭城看海，這擺連大海嘛無法度 kā 心內的憂鬱紮走，龜山島全款佇遐，阿虹走去佗咧？

過去 in 三个常在去礁溪坦坦，跑馬古道、湯圍溝溫泉公園攏有 in 的形影。兩翁仔某逐擺若坐佇遊客中心外口溫泉公園的浸跂池浸磺水，阿虹就佇看會著 in 的樹仔跂，安心坐咧恬恬仔等，了後就是三个人的逍遙遊矣。

Khah 早 in 定定去 peh 五峰旗登山步道，阿虹一坎閣一坎 ná 走 ná 跳，歡喜 kah，peh 到三層 tsuí-tshiàng 遐，袂輸桌頂拈柑遐輕鬆。阿虹有歲了後，驚伊的跂 tsih-tsai 袂牢，就換恁伊行五峰旗邊仔 khah 平淡薄矣的山路，沓沓仔 thuh 去聖母朝聖地。逐擺阿虹攏會先佇山跂 Tak-á-kháu-khe 泗水，明輝擲柴仔叫阿虹泗去拈轉來，阿虹聽口令就隨 tsông 去拈，來來去去一逝閣一逝，khah 耍都要袂瘡。tsiunn 山落來，閣耍一擺 tsiah 準煞。

Tak-á-kháu-khe 溪水猶原咧流，tann，擲出去的柴仔枝，已經無阿虹拈倒轉來矣。明輝心內窮實嘛誠艱苦，只是遐濟冬來，經歷過老爸、老母往生，伊真知人世間生老病死、悲歡離合，siáng 嘛無法度走覘。日出日落，花開花謝，有生就有死，有開始就有結束，伊早就知影早慢有彼一工。

明輝食素食、持誦《金剛經》已經有足久的時間矣，「一切有為法，如夢幻泡影，如露亦如電，應作如是觀。」伊有深深的體會。人世間的一切，是遐爾仔無常，ná 夢 ná 幻影 ná 水波，

ná 早時的露水，天頂的燦爛，誠緊就消失矣。聽講食素食會當替往生的親人祈福，為著阿虹文美嘛綴咧改食素食。

「過去矣，予放水流……」

風中 kán-ná 有聲音按呢苦勸，kám 是菩薩來點化？是明輝喲咧 nauh，抑是文美家己心內的聲。文美心肝搖搖疼，想著足毋甘的，一聲閣一聲問天問地：「kám 一定愛放水流？近袂過這次，beh 按怎？阿虹是按怎攏無來阮夢中？」

Beh 按怎 tsiah 會當放下咧？文美的傷悲藏佻深？佇醫生講阿虹賭無一禮拜彼陣，文美的艱苦攏忍牢咧，伊硬 kā 公司請假，24 小時守佇阿虹身軀邊，照顧佻陪伴。文美毋甘看阿虹拖老命咧受苦，閣驚伊知影媽媽毋甘伊離開，驚伊會行袂開跤，總是目屎忍牢咧。

毋但一擺，文美佇阿虹虛荏的身邊，勻勻仔 kā 伊講：「若時間到矣，你就安心做你去，媽媽會勇敢、會好好，你免煩惱我，多謝你來陪伴我。」伊會當感受著阿虹的眼神，有對伊滿滿的愛。

一直到送走阿虹，文美 tsiah 敢吼出聲。彼聲「火來矣！緊走。」是最後的相辭，宣告阿虹佻人世間永遠告辭矣。

猶會記得，火化了後，工作人員報 in 看阿虹的 thâu-khak-uánn，呵佬講：「看頭型就知影，伊是一个足巧的囡仔。」聽著 lú 心酸，阿虹已經無去矣！就算化做焮、手裡 mooh 金斗甕仔，文美心內猶原無法度相信阿虹誠實離開矣，轉去厝了後，文美連繼哭七工，心內不時大聲喝咻：「我的阿虹佇佻咧？我 beh 去佻走揣我上疼惜的查某囡？」

文美睏袂落眠，就是 uì 阿虹走了後開始的。khang-khuè 無順利，已經無阿虹安慰鼓舞矣，職場的壓力佻情緒無穩定，攏影響著文美的睏眠，對阿虹的思念不時像狗蟻咧心肝頭咬。明輝足驚時間久來文美會著憂鬱症，兩個人攏知影袂當閣按呢落去矣，參詳了後，文美決定先 kā 頭路辭掉，先歇睏一站仔，身心恢復康健 khah 重要。

文美開始回想以早阿虹猶未出現的時，日子是按怎過的？愛文學佻藝術的伊，有佻久毋捌參加藝文活動矣？有佻久無行入冊店？佻久毋捌去逛街、買物件、看電影矣？伊 beh kā 家己揣轉來，tsiah 有勇氣繼續向前行。

文美佇市內獨立冊店看冊、啣咖啡，予心恬靜落來。參加一寡家己本底就足有興趣的藝文

活動，佇戲齣內面綴各種角色體驗悲喜的人生故事。親像彼暗兩翁仔某做伙去欣賞《熱帶天使》音樂劇，音樂恰故事予濟濟的人感動 kah 目屎流、目屎滴。故事是日本時代的臺灣文學家陳千武的作品改編的，嘛是伊的人生經歷，活佇戰時的悲哀恰面對時代變遷，不管是智識份子，抑是一般的老百姓，攏是遐爾仔艱難。文美對養飼咱的土地、歷史恰人生，有閣 khah 濟的思考恰啟示。檢采是文學藝術安慰伊的心靈，凡勢是時間這個魔術師，文美的生活沓沓仔恢復平靜。

文美佇冊店意外予一本臺文繪本《咱的日子》吸引，冊皮畫一个查某囡仔恰一隻狗仔目睷睷，互相覆做伙相攬。頂懸寫咱的日子，無留半點痕跡，卻是我想 beh 永遠存在記憶裡的時光。冊咧寫人恰心愛的動物伴，互相陪伴的日常。冊未掀開，文美目墘隨澹去。烏兜是一隻行足慢足慢的老狗，主人佇花園工作的時，烏兜就會倒佇邊仔，誠安心等待恰陪伴。

遐爾平常自然的日子，一工一工過去，平常 kah 失去時間感，毋過時間一直咧經過。圖畫恰文字描述攏予文美足感動的，文美想著家已恰阿虹十六冬的日常，kám 毋就是按呢生？遐爾自然平常，看起來 kán-ná 無留痕跡的日子，窮實攏刻佇你我的心肝底。

文美佇網路進一步發現原來濟濟的人，攏有失去動物伴的痛苦，尤其是平常 kā in 當做親人、當做囡仔咧照顧的人。動物伴用 in 的一生向人類告白，予咱滿滿的愛，予咱溫暖。

In 離開了後，有真濟人艱苦 kah 想 beh 透過各種方式探聽 in 過了好無？文美思念阿虹，嘛想 beh 知影阿虹好無。

這幾冬全世界恰寵物相關的新興行業誠濟，親像寵物旅館、安親班、寵物美容師攏真普遍，寵物禮儀師恰寵物溝通師嘛袂少。

阿虹在生的時，足乖足巧閣足捌代誌的，伊會想辦法予文美知影伊的想法，無需要寵物溝通師來鬥相共，文美毋捌恰溝通師 tsih-tsiap 過，伊嘛毋知人咧時行的寵物溝通 kám 真的？聽講干焦用幾張寵物正面的相片，透過網路就會當溝通，毋管是狗仔、貓仔、兔仔，毋管是猶活咧，抑是已經往生的攏會當。網路詐騙規 thoo-lak-khuh，文美驚去拄著謊仙仔，就無去揣寵物溝通師。文美相信像阿虹遐爾好的囡仔，定著會 tsiünn 天堂。

有一工明輝 kā 文美講同事阿章 in 兜的狗仔阿福往生冬半矣，朋友紹介一个咧做寵物溝通師的阿英師姊，伊有恰阿福連線溝通，講阿福 thng 掉狗的外衫，恢復原本靈體光的形象，佇天頂做護法。阿章無了解護法的意義，毋過，知影阿福過了袂稔，足替伊歡喜。阿章 kā 寵物溝通師阿英的 line 傳予明輝，鼓吹伊嘛去問看覓。

文美誠歡喜有機會透過寵物溝通師佮阿虹連線，毋過猶原半信半疑，心內想講若誠實會當佮阿虹連線，想 beh 問看伊佇佗位、過了好無？溝通師講先寄三張寵物正面的相片過去，三工後 tsiah 進行離世溝通。

約定的時間到矣，文美佮明輝聽著 line giang 矣，有淡薄仔緊張。阿英師姊 kā 伊看著的畫面講予 in 聽。伊講阿虹看起來足輕鬆足自在的，靈體足嬌足嬌的，毋但有彩色的光，光閣會流動，溫柔閣有力量。文美佮明輝聽著感覺誠不可思議，毋過 in 誠替阿虹歡喜。阿英師姊閣講阿虹表示伊足感謝阿爸、阿母對伊的愛，講伊這世活有夠 khui 矣，無任何遺憾。因為厝裡有滿滿的疼惜佮照顧、穩定的生活環境佮信任，予伊脫離動物以生存為目的的生活模式，將靈魂內在的愛激出來。文美佮明輝心內歡喜 kah、激動 kah，話攏講袂出來。

繼落，阿英師姊講阿虹予伊看一个畫面，一个細漢查某囡仔佮一隻烏色的狗仔囡佇公園。阿英問文美細漢 kám 有飼過一隻烏色白跤蹄的狗仔？烏色白跤蹄的狗仔？文美 tùn-tenn 一下，腦海浮現讀小學的時，捌佇公園祛著一隻烏色的狗仔囡，無母著，是一隻四肢跛袂輪穿白襪仔的狗仔。

彼陣大人認為彼種狗仔歹吉兆，因為按呢，彼隻狗仔囡出世無偌久，就 hōng 放揀。彼工下晡，文美佮一陣囡仔佇公園耍，文美看彼隻狗仔囡，孤單一个、無依無倚，感覺伊足可憐，就 kā 羔轉來厝裡。伊猶袂曉食飯，文美就提豆奶佮餅予伊食，叫伊白襪仔。

白襪仔綴佇文美的尻川後玲瑯瓏，有夠古錐。過無偌久，文美讀國中，搬去宿舍蹓，久久 tsiah 轉來一擺。白襪仔 uì 細隻狗仔囡大 kah 會驚人，厝邊兜定咧投講伊吠 kah 足大聲，吵人的眠，阿母 bô-ta-uâ 將伊送去阿姑 in 兜的菜園遐，予 in 照顧。去阿姑遐無偌久，文美都猶無時間去 kā 看，就聽講白襪仔走無去矣。彼陣，文美的人生挂起磅，無才調管遐濟。

凡勢暗意識感覺家己失職，就將記持封存起來，無願意想起佮講起，彼段干焦家己知的往事。

Kám 講白襪仔是阿虹的前世？文美對家己無好好仔照顧白襪仔，感覺真歹勢。

阿英師姊講：「無錯，規攏好好，白襪仔正是阿虹的前世。白襪仔佮阿虹毋但無怪你，顛倒足感激你救命的恩情，感謝你的愛佮陪伴。彼世，白襪仔離開菜園遐，為著 beh 走揣你。這世，阿虹會當陪伴你，佮你鬥陣十六冬，總算圓滿矣。」

久年來，文美囡仔心肝底對白襪仔的虧欠，總算得著消啟。只是文美想袂到竟然會有一

个靈魂，經歷千辛萬苦，干焦為著 beh 揣著伊、佢伊相拄。原來佇金城公園會拄著阿虹毋是 tshiàng-suh、毋是 tshiāng-tú-tshiāng。彼是白襪仔經過生死輪迴的走揣，命運閣一擺予伊一个機會，拄著伊心心念念的人。彼 kám 毋是人咧搬電影 tsiah 有的戲齣？想袂到發生佇家己身上，文美心內的激動佢感動，無法度形容。

阿英師姊講阿虹希望媽媽毋通閣為著伊艱苦流目屎矣，伊講等未來人生的旅途結束，in 一定會佇天堂再相會。只要心內無 kā 對方放袂記，靈魂自然就會認出對方。尾仔，阿虹講掠準文美若愛伊閣用狗的身份，轉來陪伴伊，伊嘛願意暫時先 kā 靈魂的提升園一片。文美聽著隨應千萬毋通。伊知影阿虹過了幸福、快樂，按呢就有夠矣。

阿虹講伊後一个階段 beh 去解鬱星球，阿英師姊解說講宇宙有無數个星球，解鬱星球是解鬱天使踫的所在，解鬱天使存在本身就解鬱、安搭的力量，in 會 kā 這個力量送去需要的所在。阿虹 beh 去遐佢其他的天使做伙，kā 愛送予伊深愛的地球佢厝裡的人，這就是愛的循環。

佢阿虹連線了後，文美的心明顯得著解鬱、安搭，好親像意識著囡仔大漢，愛放伊展翼自由飛。文美明白離別是相逢的開始，心內干焦滿滿的祝福。文美相信日後便若想著阿虹，會感覺安慰，佇心內微微仔笑。文美足感恩，人生的路途，有阿虹佢明輝的陪伴。

文美 tsit-má 閣恢復好睏眠矣，伊了解性命中不管拄著歡喜，抑是傷悲的代誌，攏有伊的道理。

等風雨過去，日頭會閣出現，日頭笑微微，出虹佇天邊，看著天頂嬌嬌的彎弓虹，紅色、柑仔色、黃色、青色、藍色、紺色、茄仔色，各種色水嬌 kah 的光束，kán-ná uì 天頂傳送一陣一陣愛力過來。

哇！文美歡喜 kah 對天邊的虹攞手。伊總算知影是按怎逐擺看著虹，攏會感覺歡喜、感覺安慰。所有伊經歷的一切，攏成做美麗的記持，留佇心肝穎仔，永遠袂消失。

愛佢祝福伴文美，展開家己人生的旅途，跋步堅定，勇敢大步向前行，行向有光有希望佢快樂的所在。

伊知影宇宙雖然曠闊，原來靈魂並無孤單。